

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUO YA GAE (HL)

PAMPIRI YA NTLHA (P1)

TLHAKOLE/MOPITLWE 2018

MADUO: 70

NAKO: Diura di le 2

Pampiri e, e na le ditsebe di le 9.

DITAELO LE TSHEDIMOSETSO

1. Pampiri e, e arogantswe ka DIKAROLO DI LE THARO.

KAROLO YA A:	Tekatlhaloganyo	(30)
KAROLO YA B:	Tshobokanyo	(10)
KAROLO YA C:	Tiriso ya puo	(30)

2. Buisa ditaelo TSOTLHE ka kelotlhoko.
3. Araba dipotso TSOTLHE.
4. Simolola karolo NNGWE LE NNGWE mo tsebeng E NTŠHWA.
5. Thala mola morago ga karolo NNGWE le NNGWE.
6. Nomora karabo NNGWE le NNGWE jaaka potso e nomorilwe.
7. Tlola mola morago ga karabo NNGWE le NNGWE.
8. Kwala sentle ka mokwalo o o buisegang.
9. Tlhokomela mopeleto le popego ya dipolelo.
10. Kabo ya nako e e tshikinngwang:
- | | |
|--------------|-------------|
| KAROLO YA A: | 50 metsotso |
| KAROLO YA B: | 30 metsotso |
| KAROLO YA C: | 40 metsotso |

KAROLO YA A: TEKATLHALOGANYO**POTSO 1**

1.1 Buisa temana e e latelang, mme morago o arabe dipotso.

SETLHANGWA A (TEMANA)

- | | | |
|---|---|----------|
| 1 | Moremogolo go betlwa wa taola wa motho o a ipetla. Ontiretse o godisitswe ke malomaagwe. O tsene sekolo mo Rasimone, a itshoka. A sutlha sa mariga a gopotse mafoko a mogologolo a a reng 'Ngwana wa dikgomo ithute molodi malata a sa le teng.' Malomaagwe o ne a na le morwa yo o lekanang le Ontiretse ka dingwaga. Motho ke yoo, a bo a le dinala di metsi. Ontiretse ena o ne a le diatla, tiro ya sekolo le yona o ne a e dira ka bojotlhe. Mmamalomaagwe fa a lemoga gore Ontiretse o phala morwae ka tsotlhe, a itaya Ontiretse ka noga e tshela. Ontiretse a itshoka a ba a fetsa mophato wa botlhano. A ipolelela gore a ka se tlhole a kgona go tswelala pele ka dithuto. | 5
10 |
| 2 | Moso mongwe a rwalela ditlhako kwa TEBA go ya go batla tiro. O palame bese le Sengwelesengwe ba le mo mokgapheng o le mongwe, go batla tiro. Fa dikantoro tsa TEBA kwa Phokeng di bulwa mo mosong ke fa ba le fa kgorong. Moepo ga o ke o tlala. Ba ne ba thapiwa. Ba itlhophela go dira kwa tlase ka ba ne ba utlwile go twe fa o dira kwa tlase o e olela ka kokoro. Sejanaga sa moepo se ba se bitsang ntorontoro sa ba rwalela kwa moepong. Bapalami botlhe ba ne ba emeletse ka dinao mme go bonala ditlhogwana tsa bona tse di tlhageletseng mo diphatlheng. Ntorontoro nngwe le nngwe e tsamaya le lephodisa le le bulelang bapalami fa ba palama kgotsa ba fologa. Ga twe batho fa ba palame ntorontoro ba tsenwa ke mowa wa go roga mongwe le mongwe le ena mokgweetsi tota. | 15
20 |
| 3 | Ontiretse le Sengwelesengwe ba gorogile kwa moepong jaaka setlhare se se medileng mo sekakeng. Ba etelelwa pele ke lephodisa la moepo. Ba tsenngwa mo go nngwe ya diphaposi tsa dipati tse ditala. Ka fa gare ga phaposi eo, go ne go le rre mongwe yo o neng a ba laela gore mongwe le mongwe a itseele sejana sa aluminiamo le materase o motala. Mo mosong wa le le latelang ka ura ya boraro ga ragiwa mapai. Ka nako e, go ne go tlhanasela e le semphete ke go fete. Phaposi ya bojelo e ne e tletse e rile thi! Ba fetile ditlhotshwanatlhotshwana di theogetse, go lela garawe. Ka ura ya boraro tiro ya fela. | 25
30 |
| 4 | Ba boela komponeng ba goga dinao e kete ba gapeletswa ke mongwe go tsamaya. Ontiretse wa teng a fufuletswe le ditlhako. A palama mo godimo ga bolao a re o rola ditlhako, a ela ruri. Sengwelesengwe o sa le a re o kgwa mowa, owaii! A kgakgamolola dithaba. Letheka le opa e kete mongwe o ne a mo otlala dinoka ka motshe. Mo mosong wa le le latelang ba kgaoganngwa. Ba goroga fa ba neng ba tshwanetse go dira gona. Nako ya gana go suta. Motsotso mongwe le mongwe e kete ke ura. Sengwelesengwe le ena a le mo dinakeng tsa kukama. Pelo nngwe ya re a ineye naga. O tlaa tswa kae a sa itse tsela? Ngwana yo o sa leleng o swela tharing. A itirela boikuelo mo go moetapele wa bona. Sampoko a gana tsona tse. Bokete jo Sengwelesengwe a neng a le mo go bona, Ontiretse le ena o ne a le mo go bona. | 35
40 |

5	Mosimane a ipofa lebanta gangwe le gape. Mo mosong wa le le latelang basimane bao ba tswa ka kgoro ya kompone. Ba sa gadime kwa morago gonne ba ne ba tshaba go fetoga thaba ya letswai jaaka mosadi wa ga Lota. Ontiretse a itshoka. Bokete bole ba tiro a bo tlwaela. Fa morago ga ngwaga a ntse a dira a romelwa kwa sekolong sa boapeelo. O dutse koo dikgwedi di le tharo. O boile koo a rupisitse e le moeteledipele. A tlhaga a filwe oborolo e tshweu, kokoro e tshweu le ditlhako tsa teng. A simolola go supa ka monwana. Tiro ya moepo ya mo natefalela.	45 50
6	O ne a gorogile mo dingwageng tsa go gorosa. A gorosa kwa ntle ga mathata ape. A aga hebehebe ya ntlo. Batho ba simolola go mo leba ka matlho a e seng a keletsomasego. Letlhogonolo ga se lebelo. A kokoanya khumo ya gagwe a iketlile. A rapela fela gore tiro ya gagwe e se ka ya fela a ise a kgobokanye. Tiro ya moepo ke e nngwe ya ditiro tse di neng di sa sireletsega ka gore modiri a ka kobiwa nako nngwe le nngwe mme a tlhoke kwa a neng a ka lelela gona.	55 60

[E nopotswe go tswa go *Molaetsa*, SS Mokuwa]

- 1.1.1 Tlhophisa karabo e e maleba ka go kwala tlhaka e e nepagetseng A, B, C kgotsa D.

Ontiretse le Sengwelesengwe ba ne ba dira kwa:

- A Sekolong
 - B Bophodiseng
 - C Rasimone
 - D Moepong
- (1)

- 1.1.2 Ontiretse o tsalana jang le morwa wa ga malomaagwe? (1)

- 1.1.3 Naya dintlha di le PEDI tse di tlhotlheleditseng Ontiretse go ya go senka tiro morago ga go fetsa mophato wa botlhano. (4)

- 1.1.4 Tiro ya kwa meepong e tlhoka batho ba ba ntseng jang? (2)

- 1.1.5 A Ontiretse le Sengwelesengwe ke diyathoteng di bapile? Tshegetsisa karabo ya gago ka lebaka. (2)

- 1.1.6 A Ontiretse ke sekao sa tthagiso e e reng 'moremogolo go betlwa wa taola wa motho o a ipetla'? (Temana ya 1) Tshegetsisa karabo ka lebaka. (2)


- 1.1.7 Ke maitsholo afe a a sa eletsegeng a a fitlhelwang mo bathong fa ba palame ntorontoro ba le setlhotshwana. (Temana 2) (2)

- 1.1.8 Tlhalosa se se kaiwang fa go tse 'Ontiretse le Sengwelesengwe ba gorogile kwa meepong jaaka setlhare se se medileng mo sekakeng'? (Temana ya 3) (2)

- 1.1.9 A ke ntlha kgotsa kakanyo gore Sengwelesengwe o ne a itela kwa moetapeleng wa gagwe? Tshegetsa karabo ya gago ka lebaka. (2)
- 1.1.10 Go itshoka ga ga Ontiretse, go mo tswetse mosola jang kwa tirong? Tshegetsa karabo ya gago ka lebaka. (2)
- 1.1.11 A o ka itumelela go bona tiro kwa meepong? Tshegetsa karabo ya gago ka lebaka. (2)

1.2 SETLHANGWA B (SETSHWANTSHO)

Leba setshwantsho se se latelang, mme morago o arabe dipotso.



[Sunday Times, Lwetse 2015]

- 1.2.1 Tiragalo e e mo go SETLHWANGWA B e tlhotlhelediwa ke eng? (2)
- 1.2.2 Tiro e e tlhagisitsweng mo go SETLHANGWA A e farologana jang le e e mo go SETLHANGWA B? Naya dipharologano di le pedi. (4)
- 1.2.3 Go ya ka wena a tiro e e diriwang ke monna yo o mo setshwantshong e ka fetola botshelo jwa gagwe? (2)

PALOGOTLHE YA KAROLO YA A: 30

KAROLO YA B: TSHOBOKANYO**POTSO 2**

Buisa temana e e fa tlase ka kelotlhoko. E tlhagisa dintlha ka ga maitsholo a badiredipuso.

ELA TLHOKO: O tshwanetse go dira tse di latelang:

1. Sobokanya o dirisa mafoko a gago, mme o sa latlhe bokao jwa temana, ka go tlhagisa dintlha di le SUPA ka ga **kaedi ya maitsholo a badiredipuso**.
2. Kwala ka temana.
3. Boleele bo se fete mafoko a a 90.
4. Tshobokanyo e se ka ya newa setlhogo.
5. Kwala **palo ya mafoko** a o a dirisitseng kwa bokhutlong jwa tshobokanyo.

SETLHANGWA C**KAEDI YA MAITSHOLO A BADIREDIPUSO**

Badiredipuso ke bathapiwa ba puso bao go wa le go tsoga ga bona e leng go direla setšhaba. Badiredipuso ba na le melawana e ba tshwanetseng go itshola ka yona mo bodireding jwa bona gore mo pusong go se nne kwa ga Mmegaampone. Kaedi e ya maitsholo e dirisiwa go kaela badiri ka se se solofetsweng mo go bona mabapi le maitsholo a mantle; e ka nna mo bojosing jwa bona kgotsa mo botsalanong le ba bangwe.

Melawana e ya maitsholo e rotloetsa bodiredi jo bo tlhwatlhwagodimo gape e thusa ka netefatso ya go itshepa mo badiredipusong. Go solofetswe gore badiredipuso le bakhuduthamaga ba Kgotlapeomolao ba itshole ka mokgwa mongwe o o tlhaolegileng. Badiredipuso ba dirisana ka sebona gape ba dirisana le setšhaba.

Bodiredi le botsalano jwa badiredipuso bo beilwe leitho le lentšhotšho le go atholwa ke bathapi le setšhaba. Ba tshwanetse go dirisana ka botlalo go atolosa dikgatlhego tsa setšhaba. Ka tsamaiso ya ditheo, ga go na setheo se se nang molaodi. Badiredipuso le bona ba na le batho bao ba ba tlhaoletsweng go ba tsamaisa mme ba tshwanetse go diragatsa ditaelo tse ba di neilweng ka fa molaong e bile di sa thulane le Molaotheo ka gope.

Ga go modiri ope yo o nang le tetla ya go dirisa thata ya gagwe go thotlheletsa badiri ba bangwe kana go ba gatelela ka mokgwa mongwe.


Ga go mokgoro o o sa neleng, ka jalo badiredipuso ba na le tšhono ya go tlhagisa dilelo tsa bona ka tsela e e maleba le kwa kemeding e e maleba. Ba ineele go godisa, go rotloetsa badiri-ka-bona le go nna le botsalano jo bo se nang selabe. Ba iphape mo ditirong tsa mekgatlo ya sepolotiki ka nako ya tiro le kwa tirong. Ba dirisane le ba bangwe ntle le kgobeletlo.

Ngwana yo o sa utlweng molao wa batsadi o tlaa utlwa wa manong.

[E fetoletswe go tswa go NewsLetter dlg & hs]

KAROLO YA C: TIRISO YA PUO**POTSO 3**

Sekaseka phasalatso e e fa tlase, mme morago o arabe dipotso.

SETLHANGWA D


Daniëlskuil 3 Diphlane 2016 Tlhakatlou Holo ya Motse	Kuruman 4 Diphlane 2016 Holo ya Toropo	Khatu 5 Diphlane 2016 Holo ya Motse wa Sishen	Postmasburg 6 Diphlane 2016 Holo ya Toropo
--	---	---	---

Tlanya o tle go utlwa se o tlhokang go se itse ka ga:

- Go rulaganyetsa kgwebo le tataiso
- Ditlhokego tsa thuso ya matlole
- Ditsela tsa go boloka le go beeletsa

Re laletsa dikgwebo tsotlhe tsa bantsho le basweu, go tla go utlwa gore ba ka ungwelwa jang le go nna le seabe mo kgolong ya ikonomi ka B-BBEE.

www.nefcorp.co.za/www.nefbusinessplanner.co.za
0861 843 633

**NATIONAL
EMPOWERMENT
FUND**

[DFA: Laboraro, 2 Lwetse 2016]

3.1 Tlhopha karabo e e maleba ka go kwala tlhaka e e nepagetseng A, B, C kgotsa D.

Lefoko 'B-BBEE', mo phasalatsong e ke sekao sa ...

- A thipo ya leina.
- B khutshwafatso.
- C akeronimi.
- D mopeleto wa leina.

(1)

3.2 Pitso e e mo phasalatsong e goleditswe ke setlamo sefe?

(1)


3.3 A pitso e, e laleditse dikgwebo tsa batho ba merafe yotlhe? Tshegetsa karabo ya gago ka lebaka.

(2)

- 3.4 Lefoko 'thuso' le dirisitswe jang mo phasalatsong? (1)
- 3.5 Fetolela polelo e e latelang mo bontsing: (1)
'Tlaya o tle go utlwa se o tlhokang go se itse ...'
- 3.6 Go ya ka wena, a pitso e e tlaa dira gore dikgwebo tsa balalediwa di atlege? Tshegetsa karabo ya gago ka lebaka. (2)
- 3.7 Ke bokao bofe jo bo senolwang ke lee mo teng ga sentlhaga jaaka go tlhagelela mo phasalatsong? (2)
[10]

POTSO 4

Sekaseka khathunu e e fa tlase, mme morago o arabe dipotso.

SETLHANGWA E

[Sowetan, Laboraro Seetebosigo 15 2016]

- 4.1 Khathunu e, e bua ka ga eng? (1)
- 4.2 Nopola sekao sa tlhalosi ya kopanelo go tswa mo khathunung. (1)
- 4.3 Tlhagiso e e reng, 'KGWEETSA O FETE!' e mo modirisong ofe? (1)
- 4.4 Tlhopha karabo e e maleba ka go kwala tlhaka e e nepagetseng A, B, C kgotsa D. (1)
Ke seritibatsi sefe se se tlhagelelang mo khathunung se se tshwaetsang batho le fa ba sa se dirise?
- A Motsoko
B Nyaope
C Thiki
D Khokheine

- 4.5 A e ka nna nnete fa go twe mokhathunu o senola bareki e le ba bong bo le bongwe fela? Tshegetsa karabo ya gago ka lebaka. (2)
- 4.6 A go molemo gore motsadi a tle le ngwana mo lefelong le, jaaka rre yo o tlhagelelang mo khathunung? Tshegetsa karabo ya gago ka lebaka. (2)
- 4.7 Goreng koloi e eme gaufi le letlhabaphefo? (2)
[10]

POTSO 5

Buisa temana e e latelang, mme morago o arabe dipotso.

SETLHANGWA F

- | | | |
|---|---|---|
| 1 | Moselekatse o ne a ralala naga yotlhe ya Aforikaborwa , a bolaya, a phatlalatsa e bile a ikgapela. Batlhabani ba gagwe ba ba <u>pelodithata</u> ba ne ba le bantsho ba fifetse e ka re ba itshasitse tsholo. E ne e re fa letsatsi le thusumela, ga bo go utlwala selelo sa ngwana le sa mosadi. Marumo a ne a ja motho, motho a wela kwa. Madi a pumpunyega jaaka metsi a motswedi, dipula di nele, e le diphororo. E re fa go le makgaphilakgaphila jaana selelo se khurumetse motse otlhe. <u>Ba ba lesego ba ba neng ba tle ba falole ditlhaselo ba ne ba siela mo dikgageng</u> , ba fete ba ithe golwe, ba etse dipela di bone ntšwa. Madi a ne a tlatlala le naga, tlhaga e tlhoka go talafala, mme e hibila ka madi a bana ba batho. | 5

10 |
| 2 | Manong a maphatshwa a ne a phaphasela mo godimo ga loapi a lebile dinama tsa <u>ditoto</u> tsa batho. Bophokojwe le bophiri ba ne ba ja ba bo ba itlhoboge. Dikgomo tse tota e ne e le tsona tse di lotlhanyang ditšhaba, di ne di gapiwa pele, di isiwa kwa go thibeletsweng teng. Dintwa tsa maloba di ne di le setlhogo, e bile di le thata. | 15 |

[E rulagantswe go tswa go *Lehufa le lwa le thuto*, SA Moroke]

- 5.1 Fetolela polelo e e ntshofaditsweng mo go mola 1 go nna tirwa. (1)
- 5.2 Kgaoganya leinatswako le le thaletsweng mo go mola 2 ka dipopego tsa puo (dikarolopuo) tse le bopilweng ka tsona. (2)
- 5.3 Bopa leetsi ka lefoko le le ntshofaditsweng mo go mola 3. (1)
- 5.4 Kwala lekaelagongwe la lefoko le le ntshofaditsweng mo go mola 7. (1)
- 5.5 Fetolela polelo e e thaletsweng mo go mela 7 le 8 go nna ya pakatlang. (1)
- 5.6 Nopola polelwanakutu ya polelo e e thaletsweng mo go mela 7 le 8. (1)
- 5.7 Fetolela leina le le thaletsweng mo go mola 12 mo bongweng o bo o le dirise jaaka sedirwa mo polelong e o e itlhametseng. (2)
- 5.8 Polelo e e ntshofaditsweng mo go mela 14 le 15 ke ya mofuta ofe? (1)
[10]

PALOGOTLHE YA KAROLO YA C: 30
PALOGOTLHE: 70